

GOS EK KUMNA

1:1-25 Gos Epi Kanim Kanim Eririm.

1-5 Kumna muł meii Gos eiim eririm. Meii wii tirim. Einge Gos Guii Ka mandring mołum. Gos Guii Ka noł tonu pang, konu orung orung emii pałiim. Gos ek nipi, "Tangpi siłang er oii!" Neng, siłang erpi orum. Tangpi siłang erpi, poru nirim. Gos kenrim. Tangip siłang erang, Gos ka kenrim. Tangpi tirim kunum, yi nipi ngurum. Emii pirim eii epin nirim tengrim eii kunum nirim. Kunum tał kumna nirim. Kunum eii kumna.

6-8 "Kupu tonu puii!" Neng, yi neng, kupu tonu purum. Pang, noł mana pirim. "Tuk embe muł," pa nirim. Kunum eii tał, nirim.

9-10 Gos yi nim, "Noł sikind tor puii!" pa nirim. Pa neng, noł pum. Pang, meii penił orum.

11-13 Gos ek nipi, "Kupuł engimb, ond, aka, omb, epi kanim kanim, Gos tonu wangłe," nirim.

Neng, tonu orum. Epi kanim kanim tonu opu,
pepe mong topu, mana pupu, nga tonu omba, nirim.
Kunum eii teklike.

14-19 Gos yi nipi, "Eni ta!" Neng, eni turum.
"Oii, oii!" Neng, om. "Kanjip silang er!" Neng,
silang erim. "Eni kunum kunum pii!" Neng, eni
pim. "Emii peng oii, kanjip tel silang erel!"
Neng, silang erpinjingil. Pe piram, silang erip
palmbil. "Oii palim, eii eni ba kunum!" Gos ek
yi nim. "Oii, eni tal kongun yi ku er pel!"
nirim. Kunum kunum pelil molmbul. Kunum eii
kakil kapile.

20-23 Gos ek neng, omu, pul, kop, poru nol
tonu onjung. Nol epi kanim kanim wal sinjing.
Awii enjing. Gos ek neng, keii, kanim kanim tonu
onjung. Wal sinjing. Tonu onjung. Kunum eii
angil orung.

24-25 Gos ek nim, "Kuii, ka kung, awu, epi
kanim kanim poru tonu weii!" a neng, tonu ok

mułnjung. Mołangin, ka wembii tonu om. Ondłam
endinjpin konu poru epi kanim kanim poru erim.
Erik molk, kangil menginjing.

1:29-2:9 Gos mołpu, epi kanim kanim erpi,
sim, Gos kuni, meiił sipi epi kanim kanim ngurum.

1:26-2:25 Sinim yi eramin, nipi, Gos yi nim.
Gos wu amb erim. Gos Puł Wu eiim mił wu amb yi erim.
Gos meii sipi, wu erim. Er pendpi, Gos wu kumb eł
pup tum. Pup tang, wu engim. Gos wu eii embe,
Andam, pa nirim. Ngo pendpi, Gos pana owundu
tałip sim, konu wu Andam tuk kind mundrum. Pana
sałim konu embe, Enden, noł mam tuk pim. Ond
kanim kanim pułum. Tuk mendpił, ond ende pim,
wumb nok nok enjing, kin wumb eii kunum kunum ka
mułngii. Ond eii wumb nunjung, kin noman kis piik,
nga ka piik, erngii, ond pałim. Gos ek nipi Andam
ngum, "Nim pana tuk tep er no mułii!" a nim. "Ond
kanim kanim pałim, nim nunjii. Ond ende noman kis
piik, ka piik, enjing ond pałim, nim nonenjii. Ond
eii nim nun kin, noman kis piinjii, ka piinjii.
Ond eii nim nonerii! Nun kin, nim kułnjii," pa
nim.

2:19 Kung, awu, kuu, kei, epi kanim kanim Gos
tupu Andam multum konu tuum. Tuuang, Andam epi
kanim kanim embe sipi kindip kindip eririm. Andam
eim minj multum. Mołang, Gos ek nirim, "Eim
mendpił mołum, eii kis," pa nim. "Nipi Andam
ambim ermbii," pa nim. "Amb eii Andam paki top
ngumba," pa nim. Gos Puł Wu erang, Andam or pang
ournim. Or peng, Gos Puł Wu erpi, Andam demb ende
gultop sim. Sipi, Andam ngenj to sim. Pendpi,
demb sipi amb eririm. Andam angang, Gos amb tupu,
ngum. Andam amb kanpi, yi nim, "Nim embił eii na
embił, nim ngenj eii na ngenj, nim embe amb, ya na
ngenj kopis pe nim erim," pa nim. Gos Puł Wu
Andam ngenj kopis sipi, amb eim pim mił erim. Pe
wu amb sim kunum, wu arim mam sikinding, amb
kin wu ende punjunguł. Gos ek nipi, wu amb tał
ngopu, yi nim. "Ełip kangił peii mengingił, epi
kanim kanim poru poru towuł erngii." Wu amb tał
kon kunung enenjingił pa, singambił kułnenjingił.

Gos eim kongun kanpi, orung kindpi, kenim, "Ka enj", nipi kenim. Kunum eii kapił kapiłe nga tał. Kunum kapił kapiłe nga tał, Gos Puł Wu kongun kanim kanim eririm poru nirim. Kenim, kunum kongun erpi, kunum angil orung nga tał ele kor mułum kunum.

-3-

3:1-24 Wu Epi Kis Erim.

1-7 Pe ka wembii ek kend topu, ek mak erpi nim. Nipi, amb ngum, "Gos nim, 'Ond mong eii poru poru nuii!' a nim min?" Amb ek nipi ngum, "Gos ek nip ond mong kanim kanim sil neł," pa nim. "Ond mong ende tuk pałim, sil noneneł," pa nim. "Minjin tunereł," a nim. Embiłnjingil kin kułnguł," pa nim. Neng, ka wembii ek nipi amb ngum, "Nim ond mong sikin nokun, kułenjii. Nim kom perek, neng piinjii. Piikin, epi kis ka poru poru kankin poł tunjii. Nim Gos mołum mił yi mułnjii. Gos noman eii piinim," pa nim. Pe amb ond mong kan ka

kanpi, "Simbii." Nipi piipi pendpi, ond mong ende
sipi, nopu, ende sipi, wam ngum. Wam sipi, num.
Neng, kenjingiꞑ, kunung kon pinerim. Wii mendpiꞑ
muꞑnjunguꞑ. Singambiꞑ kuꞑuꞑ, kom taꞑ pirek nim.
Moꞑuꞑ, ond onguꞑ muꞑum, sikiꞑ, ambiꞑkiꞑ teꞑnjingiꞑ.

8-21 Pouneng, Gos Puꞑ Wu pana peng ondꞑam
eꞑe andpi om. Wang, wu amb taꞑ piikiꞑ pendkiꞑ,
pukuꞑ ondpuꞑ eꞑe koiꞑ enjingiꞑ. Gos Puꞑ Wu
"Andam," a nipi, wii tum. Topu, "Nim nenj moꞑun?"
a nim. Neng, Andam ek nipi orung kindang, "Nim
on? Na piinj, miꞑ wii muꞑs. Moꞑuꞑ, singambiꞑ
kuꞑkuꞑ pendkiꞑ, pukuꞑ koiꞑ enjpiꞑ," pa nim.

"Nim nii neng, wii mołun, nip kii sim?" Gos Puł Wu yi nim, "Nim na mon pa ninj, ond mong si nun min?" a nim. Neng, Andam ek nip orung kindim, "Nim amb na ngun, amb eii ond mong sipi na ngang, na nunj," pa nim. Gos ek nipi amb ngum, "Ka wembii ek kend topu na ngum. Ngang, na nunj," pa nim. Neng, Gos ek nipi ka wembii ngum, "Nim yi en pałim, nim kirim mołang, andłam meiił andkin mułnjii," pa nim. Nipi pendpi, "Nim kangambił kin amb kangambił kin ekii kan nonerngił. Amb kingam opu nim peng tumba. Tang, nim kinganim amb kingam simb sip ele tumba." Gos ek nipi, amb ngum, "Nim amb kangił meng nunjii kunum, kirim owundu kongmba, pa kongang, wanim sikind enenjii. Tek tek nim wanim se endinjii. Wanim nim nołpu mułmba," pa nim. Nipi ek nipi Andam ngum, "Nim ambnim ek piikin, ond mong nun pałim, eii ond kan kis meii ele tonu omba. Nim meii el pułum. Kuni numbii nikin piin kin, kongun embił połkin eran

kurun erang, kuni nunjii. Tek tek nim moł kin
kunum kongun minj erkin erkin enjii. Na meii sip
nim enj, nim kułnjii, nim kołkun ngenj meii ele
mana ba," pa ninj. Gos ka ngenj sipi, kunung kon
erpi, wu amb tał ngum. Andam ambim embe, "Eiiwa,"
pa nip ngum. Wumb orung orung pek, punmun; wumb
eii menjing.

22-24 Gos yi nirim, "Wu amb sinim mił mołmbuł.
Epi kis piilił, epi ka piilił, enmbił. Pe ya
mołuł, ond mong nokuł, kułnenjingił. Ond nonmbuł,
sinim pip to kindamin, punguł," pa nik, pip tunjung.
Gos angilte ondłam puk, ond mong nok, kułnenjung;
ond mong pim konu ele, tuk mułnjung. Mułangin, wu
eii tuii ende dup pim sep mułum. Wu amb tał pana
sikindkił, tor punjunguł. Pukuł, meii ekinjingił.

This edition may not be reproduced in any form
without permission from the publisher.